

Date – 27/06/2025
Time - 7:30 -7:40Hrs
AKASHVANI AIZAWL

HEADLINES (MORNING)

1. Chief Minister Pu Lalduhoma leh Ministry of External Affairs, Protector General of Emigrants Jt. Secretary Pu Surinder Bhagat a ten ram pawna dan lova hnathawk tura thawn chhuak thin te chungchang an sawi dun.
2. Mizoram Tipper Association (MTA), Kolasib District Hqrs bul tum in nimin khan NH-06 leh 306 huam chhung kawngpui chhe zual lai thawm anih avangin lirthei thahnem tak an tangkhang mek.
3. Sanghai Cooperation Organisation a tel ram Defence Minister theuhte thukhawm in a thuchhuah intawm an siam chu Union Defence Minister Rajnath Singh-an nasa taka a dodal avangin sut leh a ni.
4. Operation Sindhu hnuaiah Iran atangin India khua leh tui Sing thum za li sawmhni paruk leh Israel atangin 818 te chu India rama hruai haw an ni tawh.

<><><>

CM

Chief Minister Pu Lalduhoman a office-ah Mizorama lo zin mek Ministry of External Affairs, Protector General of Emigrants Jt. Secretary Pu Surinder Bhagat a kawm a.

Placement Agency lem, ram pawna dan lova hnathawk tura thawn chhuak thin te chungchang leh chung agency te license tihtawp a nih tak dan te, an prosecution sanction pawh Protector General of Emigrants lama dil mek a nih thu te a sawipui a. China rama Mizo nula pakhat leh tlangval pakhat, MBBS zir tura kal, harsatna han tawk ta te chungchang leh Myanmar atanga raltlan lolutte biometric-a chhinchhiahna kalpui tan a nih dan te bakah Taiwan rama India sawrkarin thalai hnathawk tur thawn a tum chungchang te pawh an sawi dun a ni.

Myanmar raltlante chungchangah hian Chief Minister chuan, tha taka rawn tlan, thuawih taka awm an awm a. An ram buai chhuanlama ramri kana tei kual thin, kan ram dan rawn bawhchhiat ching an awm bawk. Heng dan bawhchhiat chingte lakah hian khauh takin hma kan la dawn a, ramri rawn kan te Myanmar sawrkar ID hi an cham chhung chu laksak/kawlsak (deposit)l mai zel thain kan hria, a ti.

Pu Surinder Bhagat hian, placement agency lem ten India mi ram pawnah an thawn chhuaka, chung mite hmang chuan India mite rawn bum an tum leh a, a buaithlak thin hle a ti a. Ram pawna hnathawh tum kan thalaite an fimkhur a ngai hle a ti a. Taiwan rama hnathawk tur lakna hi sawrkar laipuiin a kalpui thuai a rin thu a sawi bawk.

Chief Minister nena an inkawm zawh hian Ministry of External Affairs leh Mizoram sawrkar indawrna thil pawimawh dangte sawiin Pu Vanlaldina Fanai, Commissioner & Secretary to Chief Minister leh Mizo Diaspora Cell hotute nena inkawmna an nei zui leh a ni.

Chief Minister hi Pu TBC Lalvenchhunga, Adviser to CM, Pu Vanlaldina Fanai, Commissioner & Secretary, Mizo Diaspora Cell Chairman ni bawk leh CM Office-a official pawimawh ten an tawiawm a ni.

<><><>

LUNGLEI GMD

Lungleia Environment Forests & Climate Change Department chuan nikum Green Mizoram Day-a Hrangchalkawn leh Thualthu inkar NH-54 kawng dunga thingtiak phunte a nun dan leh a dinhmun an zir chiang a.

Lungleia department leh pawl hrang hrang 54 te'n thing tiak 1,170 an phun zingah 687 – zaa 58.72 chauh a nung tawh tih an hmuchhuak a, a thi leh chhia thlak ngai 483 leh a hungna chhia siam that ngai 301 a awm tih an hmu chhuak bawk. Thing phun thi leh chhia a tam chhan hi kawng laihna leivung leh chirh tawlh vang te, kawng sir hungna siam hna thawh vang leh thal a rei vang te ni deuh ber in an hria tih an sawi a ni.

Dist Level Committee on Green Mizoram Day chuan thing phuntu department leh pawl hrang hrangte chu an thing phunna hmun sam fai bakah, a thi leh chhiate thlak nana thing tiak phun thar leh a hungna siam that hna te an remchan dan anga thawk turin a ngen a. DLCGM thu chhuak bawhzui hian Lungleia department leh pawl hrang hrangte chuan tun lai hian Lunglawna EF&CC Check Gate-ah thing tiak leh a hungna hmanruate lain, an thing phun enkawl zui hna hi an thawk chho mek a, Lunglei District Information & Public Relations Office pawhin Hrangchalkawn leh Thaizawl inkar National Highway 54 kawngpui dunga mi chu nimin khan a hmun sam faiin, a nung lote thing tiak thara an thlak bakah, a hungna an siam tha tih kan corr chuan a sawi a ni.

Lungleia kan corr Thanhmingliana Renthlei sawi danin Lungleiah zirlai te leh mi thenkhat te pawhin thingphun an uar chho in a humhalh lam pawh an uar chho zel a, sorkar laipui scheme “Ek ped maa ke naam” hnuaiah Nu te pual a thingphun leh thingphun tum pawh thalai zingah te an awm chho mek a ni.

<><><>

TIPPER ASSN

Mizoram Tipper Association (MTA), Kolasib District Hqrs bul tum in nimin khan NH-06 leh 306 huam chung kawngpui chhe zual lai thawm anih avangin lirthei thahnem tak an tangkhang mek a.

Kawnpui leh Sairang inkara Kawnpui leh Tuitun inkara Kawngpui chhe zual lai siam that hnatlang ah hian MTA member te, Kolasib Sub Hqrs YMA hnuaia Kolasib Town chhunga Branch YMA hrang hrang aiawh te,

Awithangpa Group YMA hnuaia Branch hrang hrang atanga thawk chhuak te leh lirthei enkawltu pawl dang aiawhte an tel a ni.

Hnatlang a thawk chhuak te hian Kawng chhe lai Lung hmangin an hnawh a, Kawng khuar hnawh nan hian Mizoram Tipper Association, Kolasib District Hqrs chuan Motor lian phur 28 Lung an lei a, nimin chawhnu lamah khan an Lung lei khawl sa in a daih loh avangin hna a khaihlak hman ani. Kawng chhe zual lai hnawh nan Lung lei tur an hmuh chuan karleh thawhlejni thleng hnatlan an tum thu MTA hruaitute chuan an sawi a ni.

Puan tawh angin nimina hnatlang a thawk chhuak te hian Kawnpui leh Tuitun Lei inkar Kawng chhe zual lai Lung hmangin an hnawh a, Tuitun leh Khamrang inkara Lung chhawp lawk hmangin vawiin hian Kawng chhe lai hnawh hnatlang in chhunzawm a ni ang.

Tun dinhmunah Buichali leh Sairang inkar Kawng chhe zual lai hnawh nan Lung trip 20 vel mamawh anih rin ani a, chutihlaiin trip 3 chauh chhawp lawk a ni. Lung chhawp sa hmangin vawiin hian Sairang VC kaihhruaina hnuaiah khawtlang mipui ten hnatlangin Kawng chhe lai an chhunzawm dawn ni a hriat ani.

Kawnpui leh Sairang inkar Kawng chhia te hi hnawh zawh a nih hma chuan lirthei eng chi mah kal tlang lui lo turin MTA chuan lirthei neitute an ngen a. Thudawnna chuan nimin tlai thleng khan Aizawl atanga Silchar pan lirthei tangkhang 400 vel a ding tawh niin a sawi a, Kawnpui leh a chhehvel ah lirthei ritphur, Aizawl leh hmun dang pana tlan 100 chuang a ding tawh ni a hriat ani bawk. Hetihlai hian phai lam atanga Mizorama rawn lut lirthei ritphur Kolasib leh Thingdawl inkar ah te, Kolasib leh Rengtekawn chhehvel ah te lirthei tangkhang thahnem tak a ding mek bawk.

Tlawmngai-a hnatlanga thawk chhuak te bakah hian Mizoram PWD chuan dan pangngai in nitin hna an thawk a, JCB leh Road Roller nen Kawng hi vil reng mahse Kawng chhia hi a thui tham tawh avangin an vil seng lo ni a hriat a ni. Kawng chhe nasa avang hian Lirthei tlan dan a buai a, Police ten chhun zan zawmin an vil ni a hriat ani bawk .

Mizoram PWD chuan he Kawng hi NHIDCL kutah a awm tawh thu sawiin, Kawng siam nan hian Ministry of Road Transport and Highways chuan Mizoram PWD kutah pawisa an pe thei tawh lova, Kawng siam leh enkawl hna hi NHIDCL kutah hlan fel a ni tawh chungin helai Kawng hi Mizoram tana Kawngpui pawimawh tak anih avangin Mizoram PWD chuan theih tawp chhuah in a enkawl rih niin an sawi a ni.



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

SCO JOINT STATEMENT DROPPED:

Sanghai Cooperation Organisation a tel ram Defence Minister theuhte thukhawm in a thuchhuah intawm an siam chu Union Defence Minister Rajnath Singh-an nasa taka a dodal avangin sut leh a ni.

Nimin tlai lama lo puan tawh angin China-a Qingdao khawpuiah he thutkhawm hi tan a ni a, he huna an thupui khel ber remna leh muannna vawnhim leh rawlral a chetna do chungchangah ram dang kan a firfiakte chetna do chungchang khel tel a nih loh avang leh an thuchhuah intawm siamah ziah tel a nih loh avangin Union Defence Minister chuan a pawm ve loh thu a sawi a, hei ve leh hian ram thenkhat Defence Minister-te pawhin Union Defence Minister Rajnath Singh hi rawn thlawpin thuchhuah intawm an siam hi an paihthla leh a ni.

<><><>

MORE SUCCESS ON OPERATION SINDHU :

Ministry of External Affairs thuchhuakin a tarlan danin Operation Sindhu hnuaiah Iran atangin India khua leh tui Sing thum za li sawmhnih paruk leh Israel atangin 818 te chu India rama hruai haw an ni tawh.

Ministry of External Affairs thupuangtu Randhir Jaiswal chuan Operation Sindhu chu theihtawpa kalpui a nih thu a sawi a, hei bakah hian India leh Canada inkar pawh a that chhoh leh vat a beisei thu sawiin Prime Minister Narendra Modi leh Canada Prime Minister Mark Carney te pawh an inbiak thu a sawi.

<><><>

OPERATION CHAKRA V :

Internet kaltlanga inbumna thleng thin chhui letna beihpui CBI ten a an kalpui mek Operation Chakra V chu chak taka kalpui mek a ni.

Operation Chakra V hi India ram a state panga Rajasthan, Delhi, Haryana, Uttarakhand leh Uttar Pradesh-ah te kalpui mek a ni a, tun dinhmunah hmun 42 chu endik tawh niin mi pakua CBI te hian an man tawh a ni.

<><><>